

Aurora Pijagettuk Ukiumi 2014 Michelin Putoginnimik amma Utsualuit Tikititauninginnik

Aurora Energy pijagetsimajuk sepani-wogini putoginnimik Michelin-imi. SuliaKanniujuk, pigiasilauulluni nâningani Januara tikillugu KikKanga-Mertz, ilautitsilauttuk, itinilimmik 4,668 metres putoginnimik 15-nait putottautillugit. Adjiutillugu ukiumi 2013 suliaKanimmi, 42% unutsiumigiasimajut itiningit putottaumajut taimâtsainak akiKalluni.

Ukiumi silatsiangunninga anginitsamik putogiviugunnalauttuk amma utsualuit tikititautilugit. Sikutsianguninga KikKangani -Januarami aputiKatsiaganilu aullâvimmi amma mipvimik ammatitsigunnalauttuk pingasuni ulluni.

suliaKattet ukiumi 46-siulauttuk, ilautillugu 25-et Labradorimit, amma aullâvimmi unutigillutik 25-init 40-nut. SuliaKannik ikajutsitaulauttuk taijanut Major Drilling, Air Labrador, Universal Helicopters, Frontline Medics amma Sikimuit Avatiligjet.

“Tingijok nunâtuammat Michelin-imi inuttaluni, utsualunik ubvalu atugatsanik suliaKattivut atuinnauKattalauttuk skidookut usingijagamik tingijomik,” uKajuk Aulatsijik amma Ujagaligijik Steve Barrett . “SuliaKatsiasot itjilitlagaluammat ubvalu anugitlagaluammat.”

“Unuttut utsualuit (893 utsualuKautet) tikititaulauttuk Michelin amma petsigunnaluni akitujunik utsualunik tikigiangit aujami Kulimigolikkut,” uKajuk Steve. Ilagiallugu, illusait aullâvimmotauKattalauttuk tingijokkut atuinnagutjigiamut aullâvitsanik aujautillugu. Ammalu, ungatânettut 700 line kilometres nunami Kaujisautet atuttauKattalutik Kuatsimajuni tasinni, kamagijausimangituni aujautillugu.

“Atugunnasianningit, Kanuittailigiamut amma pitsianingit Air Labrador pimmagiulaumijut Aurora pitsianingani ukiumi,” ilagiatsijuk Steve. Air Labrador pijagegunnalauttuk 100-tinik aigunnalutik Aurora-mut Happy Valley-Goose Bay-mit, KipukKak amma Makkovik.



Matt Walsh, Bobby Edmunds, Tyler Edmunds amma Waylon Williams nukKalaulajut mipvimi.

John Jory, Aurora Kinijagatsanik Aulatsijinga nakutsalauttuk ukiumi suliaKausiujunik.

“SuliaKaKatigejut sakKititaumajut Auroramut suliaKattet amma kantrakkijut piujummagiulauttuk. TammautauKattasimajut aujami 2013 suliaKajuKatillugu ilitagijaulauttuk ukiumi 2014 putogijukKatillugu amma aujami sulijagijaugunnalutik.”

Akunimut pannaigutet Auroramut utsualuit tikititaunitsanginnut KipukKamut amma angiligiatauningit utsualuKapvisait aujaulauttumi ikKanalauttuk akikinnisauullutulu. “ikajutsimagilauttuk kinakkutuinnait suliaKaKatigetsialaummata suliaKanniujumik,” uKajuk John.

Ed Becker, Paladin Aulatsijillaginga Ujagaliginnimi amma Kinijannimi, niuggulauttuk Michelin aullâsimavianut sitamani ulluni amma nakutsaluni inunnik, aulausiujunik amma sulijagijaumajunik.



Ranjan Lake sania Michelin aullâvingata.

Aurora Atuinngutjijuk Aujami 2014 suliaKanitsami

Aurora aujami ujuganniagatsanik Kinijanninga tugâgutiKalâttuk sollu nunangualiunnimik, ujuganik Kimmigunimmik, tingijotigut Kaujisannik, ottugannik, ujugait pejattaumajut allatauningit amma aullâviuKattajuk angiligiattauluni, Paladin ikajutsigumagalualuni Aurora amma Michelin-imi suliaKausiujuk, akikittoninga Kâjotsatalet akingit kampaniujuk ikillititsigasujuk putoginnimik. Akuniunitsamut, pannaigutik pingasuni jârini piviannatuit pivalliagutauningit amma ujuganniagatsanik Kinijannik angiligiagasuallugu Michelin piviannatungita anginingit nutânillu Kinijagasuannik.

Aurora TugâgutiKannatuk Kanuittailigiamut amma Avatet kamagijautsiatillugit

Kanuittailinik amma pannaigutinnut katimannet iniKalauuttut Michelin-imi ulluk tamât ullâsiuttuKâllutik. Pimmagittuk Kanuittailigutet ilautitsilauuttut Kanuk nukKangatitsigiamik ubvalu kamagiamik Kiujananimik, Kuatsimannimik, kamatsiagiamik, pilukattailigiamik amma tuavituKappat kamatsiagiamik. Unuttugaluattillugit piungitungit Kanuittailigutet ukiumi suliaKajuKanningani, Aurora suliaKainnatuk piusititsigiamik Kanuittailigutinnik pilukâttuKaniattinagu suliaKapvimi.



Michelin-imi utsualuKapvik pitaKajuk ungatâni 300 utsualuni adjinguami. Ungatâni 800 utsualuit tikititalauuttut Michelinimut ukiungutillugu.



Cal Priddle, Brian Jacque amma Donald Gear atuinngutjijut usilittugiamik utsualunik KipukKami.



SuliagijaummagiKattajuk salummasaigiak Michelin mipvinganik atullutik aputaijaugutinnik. Mipvik Michelinimi atunniKatsiajuk silatânogiamut.



Asinga ulluk 'suliaKapvimi'. Bradford Jacque amma Russell Palliser itjisuami Januarami.



Jessica Sheppard ottugajuk ujuganniataumajunik Michelin aullavingata ujugattaKautinganit Kimatulluvimmit

AURORA SULIAKATTET UNIKKAUSINGIT

Jessica Sheppard, Ujagaligijik

Jessica inolisimajuk pigutsaluni KipukKami, Labrador suliaKasimalluni Aurorakkuni Ujagaligijiulluni (ubvalu Geotech) 2012-iminit. Jessica pijagetsimajuk ilinnianimmik nalunaikkutattâluni 2011 amma KinugautiKasimalluni suliaKagiamut Aurorakkuni 2012-imi.

Ujagaligijet kamaKattajut katitsuigiamik ujuganniataumajunik putogijinnut, aitillugit kamavimmut, amma takiningit kamagimmilugit itiningillu, sujusimanningit amma Ujagait Kanuinginingit ubvalu taijaujut RQD. Ujagaligijet kamaKattamijut uKumainninginnik allataukKâtinnagit. “AtuKattavugut taijamik Magnetic Susceptibility Meter, nalunaitsisot Kanuk ujugait piunigijanginnik ” uKajuk Jessica. “kamaKattagivugut putogijet titisimajanginnik,

adjiliullugit amma ottugallugit ujugait.”

“Ujagaligijiup sulaingit Kanuttonattut amma ilinniagutautsiagunnalet katitsuiKattagatta Kaujitsiutunik ilijaugialinnik Kagitaujanut tunijauniallutik Ujagaligijinnut.”

“Atuinnagutjinik ujuganniataumajunik ottugagialet siagugiangulimmat suliaigiangit piujummaget, Suliaigijaga silamiuluak amma ujugattaliKautimmi, amma suliaKapvimetuinnananga ulluk nâllugu .”

Jessica uKaudjijuk kinatuinnamik suliaKagumajunik Ujagaligijiugiamut ubvalu Ujuganniatiugiamut nalugatik silamilu piutsalutik suliaKagiamut. “Takusimavunga nutânik suliaKattinik amma asinginnik pigumannanga. ljuKattavugut amma suliaKaluvinnilluta!”

AURORA SULIAKATTET UNIKKAUSINGIT

Gary Andersen, Allatiulluni kamajik

Gary Andersen inolisimajuk Happy Valley-Goose Bay pigutsaluni Makkovimmi, nunagilittanga ilangalu Marilyn amma maggok panegik. Gary piutsajuk adjiliugigiamik, nakatigigiamik Kijuttagamillu, aulasagiamik, suliaKagiamik skidookut, amma omajunniagamik. SuliaKasimajuk Makkovik Kuatsiavingani, suliaKasimalluni Paulo Ventures sanagiattauninginni nunalet itsavingit amma Budgett's ikajulluni imait Kuigiattuvellu sanajauninginni nutâni illuKapviujuni.

Gary suliaKagiasilauttuk Aurorakkuni 2006 Allatiugiamut kamajiulluni, amma ilinnialuni nunaligigiamut amma Kaujisagamut. kamajiulluni Gary piulimatsiKattajuk kamalluniluni allataugialinnik, ilautillugu takinilik 1.5 metre putogutet kataititsisot putogivinnut amma Kâjotsatalinnik ujaganik putogiviujumi.

“AllaKattavugut putogiviujunik pijagemmat amma, suliaKainnagiaKalluta KaikKujaugatta,” uKajuk Gary. “Putoginni pijagesok Kangatuinnak unnuakut ullukut, sunanik napvâgiamut ujağanni, taimaimmat atuinnaunginnagiaKavunga.” kamannik (allanik) ilonnainik putottaumajunik atautsimit pingasunut



Gary Andersen (l) amma Matt Walsh (r) Kimmigujok putottaumajunik Ranjan Lake-imi.

sitontinut pisot itininga kamagillugu amma itjuningit ujağait. AllaKâllugit. Gary KagitaujamotsiKattajuk Kagitaujakkulu aulatiniallugit Ujağaligijinnut.

“suliagijaga piugitsiajaga pivitsaKatitsimat silamegiamik takugiamillu nunamik. SuliaKaKataugiamut asikkanut piutsavunga Aurorakkuni,” uKajuk Gary.



Adjiliugisimajuk: Sandra Dicker

Ches Andersen, Aurora AngajukKâp Tullia ukunanni Labrador Affairs, ilaulauttuk Labrador Inuit Inosuttuit katimanninginnut Rigolettimi uKâlautiKalaulluni Michelin Suliagigalattanginnik.

Aurora Ikajutsijuk Nunalinni Piusiugalajunik

Aurora ikajutsinattuk nunalinni piusiujunik nunalinni Kanitânut Michelin SuliaKapviujumi. Tuniggusiat sâlatsait ânniaviani Rigolettimi, KipukKak amma Makkovik. Aurora kenaujaKattisiKattamijuk ilingajunik William amma Douglas Jacque Memorial amma Kimmuksikut sâlakkumautinnimut. KipukKami Annait Ministry aittutaulammijut ikajotitsanut ajuKittuinimmut.

ApitsotitsaKaguvit upvalu uKâlagumaguvit? Uvattinik Kaujititsigitsi:

Happy Valley-Goose Bay
tel: 709.896.6777

Makkovik
tel: 709.923.2204

St. John's
tel: 709.726.2223

www.aurora-energy.ca
www.paladinenergy.com.au



Ilaliutilik ilanganit taijaujumut
Paladin atingaKatigejunut
kampaniujunit